



Broj: 01-45-134/2026
Sarajevo, 16.02.2026

Na osnovu čl. 28, 30. stav (1) tačka c. i 31. tačka I. Zakona o oduzimanju nezakonito stečene imovine krivičnim djelom ("Službene novine Federacije BiH", broj 71/14) i člana 5. Pravilnika o sticanju statusa edukatora iz područja finansijskih istraga i oduzimanja imovinske koristi pribavljene krivičnim djelom Federalne agencije za upravljanje oduzetom imovinom broj: 01-02-478/23 od 06.10.2023. godine, Federalna agencija za upravljanje oduzetom imovinom o b j a v l j u j e

JAVNI POZIV

ZA STICANJE STATUSA EDUKATORA FEDERALNE AGENCIJE ZA UPRAVLJANJE ODUZETOM IMOVINOM

I

Objavljuje se javni poziv za sticanje statusa edukatora Federalne agencije za upravljanje oduzetom imovinom (u daljem tekstu: Agencija) iz sljedećih oblasti:

1. krivičnopravna oblast;
2. građanskopravna – uža oblast: stvarno pravo, obligaciono pravo, izvršni postupak;
3. oblast privrednog i finansijskog prava;
4. oblast ekonomskih nauka;
5. oblast kriminalističkih nauka;
6. druge oblasti koje se mogu dovesti u direktnu vezu sa finansijskim istragama i oduzimanjem imovinske koristi pribavljene krivičnim djelom.

II

Na javni poziv se mogu prijaviti sudije i tužioci imenovani u skladu sa Zakonom o Visokom sudskom i tužilačkom vijeću Bosne i Hercegovine, akademsko osoblje univerziteta, ovlaštena službena lica – eksperti za pojedine oblasti zaposleni u državnim organima (uključujući i pravosudne institucije) i drugim organizacijama, agencijama za provođenje zakona i nevladinim organizacijama, advokati, notari, kao i ostali pravni i drugi stručnjaci u vezi sa finansijskim istragama i oduzimanjem imovinske koristi pribavljene krivičnim djelom.

III

Zainteresovani kandidati Agenciji dostavljaju popunjen obrazac prijave, koji je dostupan na web- stranici Agencije www.fazuoi.gov.ba ili u prostorijama Federalne agencije za upravljanje oduzetom imovinom.

Kandidat je dužan potpisati obrazac, u kojem garantuje tačnost navedenih podataka i da je upoznat da, Agencija ukoliko dođe do saznanja da je kandidat iznio netačne podatke, ima pravo od kandidata tražiti da dostavi dokaz o ispunjavanju traženih uvjeta u ostavljenom roku koji ne može biti kraći od 15 dana.

Ukoliko kandidat ne dostavi tražene dokaze u ostavljenom roku ili dostavi neadekvatan dokaz, kandidat se neće uvrstiti na Listu edukatora, odnosno neće steći status edukatora.

IV

Kandidat uz uredno popunjen prijavni obrazac, elektronski ili pismeno, dostavlja sljedeću dokumentaciju (original ili ovjerena kopija):

- Dokaz o stečenom obrazovanju (fakultetska diploma, dokaz o stečenom specijalističkom zvanju ili drugom akademskom zvanju);
- Dokaz o trenutnom obavljanju funkcije, pozicije ili zvanja iz tačke II ovog poziva (uvjerenje, potvrde i slično);
- Dokaze o prethodnom iskustvu u oblasti edukacija ili stručnog usavršavanja (potvrde, uvjerenja) - ukoliko ih posjeduju;
- Dokaze o objavljenim naučnim i stručnim radovima, knjigama iz oblasti oduzimanja nezakonito stečene imovine;
- Dokaz o završenoj stručnoj obuci za edukatore organizovanoj u zemlji ili inostranstvu (povrda, uvjerenje, sertifikat) - ukoliko ih posjeduju.

Dokumentacija mora biti sačinjena na jednom od službenih jezika u Federaciji Bosne i Hercegovine.

V

Sticanje statusa edukatora Agencije vrši se po postupku i u skladu sa kriterijima utvrđenim Pravilnikom o sticanju statusa edukatora iz područja finansijskih istraga i oduzimanja imovinske koristi Federalne agencije za upravljanje oduzetom imovinom i ovim javnim pozivom. Pravilnik je objavljen na internet stranici Agencije.

VI

Javni poziv je stalno otvoren.

VII

Podnosioci prijave će elektronskim ili pisanim putem biti obaviješteni o ishodu postupka sticanja statusa edukatora.

VIII

Na prijavljivanje i dostavljanje po ovom javnom pozivu primjenjuju se odredbe člana 4. i člana 5. Zakona o izmjenama i dopunama Zakona upravnom postupku Federacije BiH („Službene novine Federacije BiH“ broj: 61/22).

Prijave na javni poziv dostavljaju se elektronski odnosno pismenim putem na adresu:

Federalna agencija za upravljanje oduzetom imovinom

ulica Put života broj 2

71000 Sarajevo

(Javni poziv za sticanje statusa edukatora – ne otvaraj)

Elektronski podnesci, obrasci, isprave odnosno dokumentacija mogu se predati svaki dan u toku 24 sata.

Podnesci, obrasci, isprave odnosno dokumentacija dostavljena elektronskim putem smatraće se zaprimljenim u trenutku kada Agencija na isti način obavijesti podnosioca prijave o njihovom prijemu (potvrda o prijemu).

Napomena: Jedan kandidat može po javnom pozivu da podnese prijavu za najviše tri oblasti.

Izradila: HK

Kontrolisao: AZ

DOSTAVITI:

1. Na web stranicu Agencije,
2. a/a.

